

### **“Kartilya” written by Emilio Jacinto**

Source: Jim Richardson, *The Light of Liberty: Documents and Studies on the Katipunan, 1892-1897* (Quezon City: Ateneo de Manila University Press, 2013), pp. 131-137.

Emilio Jacinto, known as the “Brains of the Katipunan,” wrote the “Kartilya” or the “Teachings of the Katipunan” which is considered as one of the essential documents of the secret society. Jacinto was born in Tondo, Manila in 1875 and attended formal schooling at the Collegio de San Juan de Letran before studying law at the University of Santo Tomas. He unfortunately did not finish his law degree after deciding to join the Katipunan when he was 19 years old. Jacinto became one of the highest-ranking officers of the society who assumed the important role of being an advisor to Andres Bonifacio, among other important functions. He is also known as “Pingkian” (his *nom de guerre*) and “Dimasilaw” (his pseudonym).

According to the historian Jim Richardson, the “Kartilya” served as the guiding principles and primary teachings of the Katipunan. The contents of the document explain the primary aspirations of the society and, in turn, the values that were expected from its members. Among the important teachings that the “Kartilya” elaborated were the importance of defending the oppressed, upholding good morals and character, observing equality despite being different in race and socio-economic descent, and respecting women. The “Kartilya” cited in this file has an English translation which Richardson obtained by selecting and combining the translation provided by Teodoro A. Agoncillo and Epifanio de los Santos.

*KATIPUNAN*

*NANG MANGA*

*A. N. B.*

*SA MAY NASANG MAKISANIB*

*SA KATIPUNANG ITO*

*Sa pagkakailangan, na ang lahat na nagiibig pumasuk sa katipunang ito, ay magkaroon ng lubos na pananalig at kaisipan sa mga layong tinutungo at mga kaaralang pinaiiral, minarapat na ipakilala sa kanila ang mga bagay na ito, at ng bukas makalawa’y huag silang magsisi at tuparing maluang sa kalooban ang kanilang mga tutungkulin.*

*Ang kabagayang pinaguusig ng katipunang ito ay lubos na dakila at mahalaga; papagisahin ang loob at kaisipan ng lahat ng tagalog (\*) sa pamagitan ng isang mahigpit na panunumpa, upang*

*sa pagkakaisang ito'y magkalakas na iwasak ang masinsing tabing na nakabubulag sa kaisipan at matuklasan ang tunay na landas ng Katuiran at Kaliwanagan.*

*(\*) Sa salitang tagalog katutura'y ang lahat nang tumubo sa Sangkapuluang ito; sa makatuid, bisaya man, iloko man, kapangpangan man, etc., ay tagalog din.*

*Dito'y isa sa mga kaunaunahang utos, ang tunay na pag-ibig sa bayang tinubuan at lubos na pagdadamayan ng isa't isa.*

*Maralita, mayaman, mangmang, marunong, lahat dito'y magkakapantay at tunay na magkakapatid.*

*Kapagkarakang mapusok dito ang sino man, tataligdan pilit ang buhalhal na kaugalian, at paiilalim sa kapangyarihan ng mga banal na utos ng katipunan.*

*Ang gawang lahat, na laban sa kamahalan at kalinisan, dito'y kinasusuklaman; kaya't sa bagay na ito ipinailalim sa masigasig na pakikibalita ang kabuhayan ng sino mang nagiiibig makisanib sa katipunang ito.*

*Kung ang hangad ng papasuk dito'y ang tumalastas lamang o mga kalihiman nito, o ang ikagiginhawa ng sariling katawan, o ang kilalanin ang mga naririto't ng maipagbili sa isang dakot na salapi, huag magpatuloy, sapagkat dito'y bantain lamang ay talastas na ng makapal na nakikiramdang sa kaniya, at karakarakang nilalapatan ng mabisang gamut, na laan sa mga sukaban.*

*Dito'y gawa ang hinahanap at gawa ang tinitignan; kaya't hindi dapat pumasuk ang di makagagawa, kahit magaling magsalita.*

*Ipinauunawa din, ang mga katungkulang ginaganap ng lahat ng napaaanak sa katipunang ito ay lubhang mabibigat lalong lalo na, kung gugunitain na di magyayaring maiiwasan at walang kusang pagkukulang na di aabutin ng kakilakilabot na kaparusahan.*

*Kung ang hangad ng papasuk dito, ang siya'y abuhayan o ang ginhawa't malayaw na katahimikan ng katawan, huag magpatuloy, sapagkat mabigat na mga katungkulan ang matatagpuan, gaya ng pagtatangkilik sa mga naaapi at madaluhong na paguusig sa lahat ng*

*Di kaila sa kangino paman ang mga nagbalang kapahamakan sa mga tagalog na nakaiisip nitong mga banal na kabagayan (at hindi man), at mga pahirap na ibinibigay na nagharing kalupitan, kalikuan at kasamaan.*

*Talastas din naman ng lahat ang pagkakailangan ng salapi, na sa ngayo'y isa sa mga unang lakas na maaasahang magbibigay buhay sa lahat; sa bagay na ito, kinakailangan ang lubos na pagtupad sa mga pagbabayaran; piso sa pagpasok at sa buan buan ay sikapat. Ang salaping ito'y ipinagbibigay alam ng nagiingat sa tuing kapanahunan, bukod pa sa mapagsisiyasat ng sinoman kailan ma't ibigin. Di makikilos ang salaping ito, kundi pagkayarin ng karamihan.*

*Ang lahat ng ipinagsaysay at dapat gunitain at mahinahong pagbulaybulayin, sapagkat di magaganap at di matitiis ng walang tunay na pagibig sa tinubuang lupa, at tunay na adhikang ipagtangkilik ang Kagalingan.*

*At ng lalong mapagtimbang ng sariling isip at kabaitan, basahin ang sumusunod na*

#### *MGA ARAL NANG*

#### *KATIPUNAN NG MGA A.N.B*

-----

*Ang kabuhayang hindi ginugugol sa isang malaki at banal na kadahilanan ay kahoy na walang lilim, kundi damong makamandag.*

*Ang gawang magaling na nagbubuhay sa pagpipita sa sarili, at hindi sa talagang nasang gumawa ng kagalingan, ay di kabaitan.*

*Ang tunay na kabanalan ay ang pagkakawang gawa, ang pagibig sa kapua at ang isukat ang bawat kilos, gawa't pangungusap sa talagang Katuiran.*

*Maitim man at maputi ang kulay ng balat, lahat ng tao'y magkakapantay; mangyayaring ang isa'y higtan sa dunong, sa yaman, sa ganda...; ngunit di mahihigtan sa pagkatao.*

*Ang may mataas na kalooban inuuna ang puri sa pagpipita sa sarili; ang may hamak na*

*Sa taong may hiya, salita'y panunumpa.*

*Huag mong sasayangin ang panahun; ang yamang nawala'y magyayaring magbalik; nguni't panahong nagdaan na'y di na muli pang magdadaan.*

*Ipagtanggol mo ang inaapi, at kabakahin ang umaapi.*

*Ang taong matalino'y ang may pagiingat sa bawat sasabihin, at matutong ipaglihim ang dapat ipaglihim.*

*Sa daang matinik ng kabuhayan, lalaki ay siyang patnugot ng asawa't mga anak; kung ang umaakay ay tungo sa sama, ang patutunguhan ng iaakay ay kasamaan din.*

*Ang babai ay huag mong tignang isang bagay na libangan lamang, kundi isang katuang at karamay sa mga kahirapan nitong kabuhayan; gamitan mo ng buong pagpipitagan ang kaniyang kahinaan, at alalahanin ang inang pinagbuhata't nagiwi sa iyong kasangulan.*

*Ang di mo ibig na gawin sa asawa mo, anak at kapatid, ay huag mong gagawin sa asawa, anak, at kapatid ng iba.*

*Ang kamahalan ng tao'y wala sa pagkahari, wala sa tangus ng ilong at puti ng mukha, wala sa pagkaparing KAHILILI NG DIOS, wala sa mataas na kalagayan sa balat ng lupa; wagas at tunay na mahal na tao, kahit laking gubat at walang nababatid kundi ang sariling wika, yaong may magandang asal, may isang pangungusap, may dangal at puri; yaong di napaaapi't di nakikiapi; yaong marunong magdamdam at marunong lumingap sa bayang tinubuan.*

*Paglaganap ng mga aral na ito at maningning na sumikat ang araw ng mahal na Kalayaan dito sa kaabaabang Sangkalupuan, at sabugan ng matamis niyang liwanag ang nangagkaisang magkalahi't magkakapatid ng ligaya ng walang katapusan, ang mga ginugol na buhay, pagud, at mga tiniis na kahirapa'y labis nang natumbasan.*

*Kung lahat ng ito'y mataruk na ng nagiibig pumasuk at inaakala niyang matutupad ang mga tutungkulin, maitatala ang kaniyang ninanasa sa kasunod nito.*

[ENGLISH TRANSLATION]

ASSOCIATION

OF THE

SONS OF THE PEOPLE

TO THOSE WHO WANT TO JOIN THIS ASSOCIATION.

*In order that all who want to enter this Association may have a full understanding and knowledge of its guiding principles and main teachings, it is necessary to make these things known to them so that they will not, tomorrow or the next day, repent, and so that they may perform their duties wholeheartedly.*

*This Association pursues a most worthy and momentous object: to unite the hearts and minds of all the Tagalogs (\*) by means of an inviolable oath, in order that this union may be strong enough to tear aside the thick veil that obscures thought, and to find the true path of Reason and Enlightenment.*

*(\*The word Tagalog means all those born in this Archipelago; even a person who is a Visayan, Ilocano, or Kapampangan, etc. is therefore a Tagalog too.)*

*One of the foremost rules here is true love of the native land and genuine compassion for one another.*

*Poor, rich, ignorant, wise – here, all are equal and true brethren.*

*As soon as anybody enters here, he shall perforce renounce disorderly habits and shall submit to the authority of the sacred commands of the Katipunan.*

*All acts contrary to noble and clean living are repugnant here, and hence the life of anyone who wants to affiliate with this Association will be submitted to a searching investigation.*

*If the applicant merely wishes to know the secrets of the Association, or to seek personal gratification, or to know who is here in order to sell them for a handful of silver, he cannot proceed, for here the many who are watching him will already know his intentions, and will immediately have recourse to an effective remedy, such as befits traitors.*

*Here, only actions are demanded and esteemed; hence anybody who is not willing to act should not enter, no matter how good a speaker he might be.*

*It is also announced that the duties to be performed by the members of this association are exceedingly hard, especially if one remembers that there can be no dereliction or wilful evasion of duty without the exaction of a terrible punishment.*

*If an applicant merely desires financial support relief or wants to lead a life of bodily comfort and ease, he had better not proceed, for he will encounter weighty tasks, like the protection of the oppressed and the relentless fight against all that is evil. In this way, his fate will be a vexatious life.*

*Nobody is unaware of the misfortune that threatens the Filipinos who contemplate these things that are sacred (and even those that are not) and the sufferings they are made to endure by the reign of cruelty, injustice and evil.*

*Everybody also knows the need for money, which today is one of the main things upon which we depend to bring sustenance to all. In this regard, the punctual payment of dues is required: one peso upon entry and then twelve and a half centimos each month. The custodian of the funds will periodically render an account to the members, and each member has a right to examine the accounts, should he so wish. The funds cannot be expended without the consent of the majority.*

*All this must be thought over and deliberated upon calmly, as it cannot be accomplished or endured by anyone who has no love for his native land and no genuine desire to promote Progress.*

*And for the upliftment of your mind and virtue, read the following*

#### *TEACHINGS OF THE KATIPUNAN OF THE SONS OF THE PEOPLE*

*A life that is not dedicated to a great and sacred cause is like a tree without a shade, or a poisonous weed.*

*A good deed lacks virtue if it springs from a desire for personal profit and not from a sincere desire to do good.*

*True charity resides in acts of compassion, in love for one's fellow men, and in making true Reason the measure of every move, deed and word.*

*Be their skin dark or pale, all men are equal. One can be superior to another in knowledge, wealth and beauty... but not in being.*

*A person with a noble character values honor above self-interest, while a person with an ignoble character values self-interest above honor.*

*An honorable man's word is his bond.*

*Don't waste time; lost wealth may be recovered, but time lost is lost forever.*

*Defend the oppressed and fight the oppressor.*

*An intelligent man is he who takes care in everything he says and keeps quiet about what must be kept secret.*

*Along the thorny path of life, the man leads the way and his wife and children follow. If the leader goes the way of perdition, then so do those who are led.*

*Do not regard a woman as a mere plaything, but as a helpmate and partner in the hardships of this existence. Have due regard to her weakness, and remember the mother who brought you into this world and nurtured you in your infancy.*

*What you would not want done to your wife, daughter and sister, do not do to the wife, daughter and sister of another.*

*A man's worth does not come from him being a king, or in the height of his nose and the whiteness of his face, or in him being a priest, a REPRESENTATIVE OF GOD, or in his exalted position on the face of this earth. Pure and truly noble is he who, though born in the forest and able to speak only his own tongue, behaves decently, is true to his word, has dignity and honor,*

*who is not an oppressor and does not abet oppressors, who knows how to cherish and look after the land of his birth.*

*When these doctrines have spread and the brilliant sun of beloved liberty shines on these poor Islands, and sheds its sweet light upon a united race, a people in everlasting happiness, then the lives lost, the struggle and the suffering will have been more than recompensed.*

**Andres Bonifacio. “Pag-ibig sa tinubuang bayan.” (c1896)**

Sina Andres Bonifacio at Emilio Jacinto ang mga pangunahing tagapaghayag ng simulain at adhikain ng Katipunan. Nababasa sa mga akda nina Bonifacio at Jacinto ang kamalayang pambansa na hinihimok ang mga Pilipino na magkaisa at lumaban para sa kasarinlan at kalayaan. Ilan sa mga kilalang akda ni Bonifacio ang “Hibik ng Filipinas sa Ynang España,” “Ang dapat mabatid ng mga tagalog,” “Katungkulang gagawin ng mga Z.L.B,” at “Pag-ibig sa tinubuang bayan.” Ang Pag-ibig sa tinubuang bayan” ay nailathala sa Kalayaan ang pahayagan ng lihim na samahang Katipunan. Nailathala noong Marso 1896 ang una at nag-iisang edisyon ng Kalayaan. Sa kasamaang palad, wala pang kopya ng mga pahina ng pahayagan ang natagpuan hanggang sa kasalukuyan. Ang nilalaman ng pahayagan ay mahihinuha mula sa iba’t ibang hiwalay na batis tulad ng mga borador ng artikulo bago ito malimbag.

Ang tulang “Pag-ibig sa tinubuang bayan” ay muling nilathala ni Jose P. Santos, Pilipinong historyador at anak ng isa ring kilalang historyador na si Epifanio de los Santos, noong 1935. Maaaring hinango ito mula sa isang sulat-kamay na borador ng tula at hindi mula sa pahina ng Kalayaan. Kamakailan, isa pang bersyon ng borador ng tula ang natagpuan sa Archivo General Militar de Madrid. Sa isang pag-aaral ni Jim Richardson, pinagkumpara ang dalawang teksto nito upang unawain ang pagkakaiba nito at kilalanin ang tunay na nagsulat nito. Mula sa analisis ng nilalaman, mga salita at ortograpiya ang dalawang bersyon (bersyong Santos at bersyong Madrid), kakaunti lamang ang pagkakaiba sa dalawang borador. Nagpapatunay ito na si Andres Bonifacio nga ang nagsulat ng nabanggit na tula (Richardson 2013, 193-194).

Matutunghayan sa kabuuang 28 saknong na tula ang adhikain at kaisipan na isinusulong ng Katipunan para sa malaya at nagsasariling bansa. Binigyan halaga sa diwa ng metapora ng mag anak (Inang-Bayan, Anak ng Bayan) ang pagkakaisa ng kapuluan. Malinaw din sa tula ang mga konseptong taal sa kapuluan tulad ng katwiran (katuiran), kaginhawahan (kaguinhawahan) kapatiran at pagkapantay-pantay.

Sa una at huling saknong mababasa ang sumusunod na titik:



(1) Alin pag ibig pa ang hihigit kaya  
sa pagka dalisay at pagkadakila  
gaya ng pag ibig sa tinubuang lupa?  
alin pag ibig pa? wala na nga, wala

(2)

Ipahandog handog ang boong pag-ibig

116

hanggang sa mga dugo'y ubusing itigu  
kung ang pagtatangol buhay ay [maliit]  
itoy kapalaran at tunay na langit.

117

**Andres Bonifacio. “Ang Dapat Mabatid ng mga Tagalog.” (1896).**

Isa sa mga akda ni Andres Bonifacio, “Ang Dapat Mabatid ng mga Tagalog” ay nailathala sa pinakauna at nag-iisang isyu ng pahayagang *Kalayaan*, ang opisyal na pahayagan ng Katipunan, noong Marso 1896. Ginamit ni Andres Bonifacio ang sagisag-pangalan na Agapito Bagumbayan nang inilathala ang akdang ito sa *Kalayaan*. Hanggang sa kasalukuyan, hindi pa nakikita at natutuklasan ang kumpletong kopya ng lahat ng pahina ng *Kalayaan*. Nailimbag sa mga hiwalay na akda ang nilalaman ng pahayagan sa mga natuklasang borador at salin ng mga ito. Sa kaso ng “Ang Dapat Mabatid” muling nailathala ito sa wikang Espanyol sa isinagawang salin ni Juan Caro y Mora para sa *Archivo del bibliófilo filipino* ni Wenceslao Retana noong 1897. Isa ring salin nito sa Espanyol ang isinagawa ni Epifanio de los Santos para sa *Revista Filipina* noong 1917. Samantala noong 1935, inilimbag ni Jose P. Santos ang teksto nito sa orihinal na wikang Tagalog bilang bahagi ng kanyang akdang *Andres Bonifacio at ang Himagsikan*. Ipinapalagay na ginamit ni Jose P. Santos ang isang sulat-kamay na borador ng sanaysay na nasa pangangalaga ng kanyang ama na si Epifanio de los Santos. Kilala si Epifanio de los Santos bilang pangunahing tagapangalaga at kolektor ng maraming manuskrito ng Katipunan.

Bagaman may mga pagkakaiba ang mga bersyong nabanggit, naniniwala ang maraming iskolar na ang tekstong Tagalog ni Jose P. Santos na “Ang Dapat Mabatid” ay tunay at hindi huwad na nilikha lamang upang palabasin na akda ito ni Bonifacio.

Kung babasahin “Ang Dapat Mabatid” ito ay may habang higit sa 700-salita at matutunghayan sa sanaysay na ito ang panawagan ni Bonifacio na pukawin ang damdamin at isip ng mga kababayang Pilipino upang lumahok sa Katipunan at humiwalay sa Espanya. Nababasa sa

sanaysay na ito ang mga natatanging kaisipan na isinusulong ng Katipunan para sa lahat ng mga Pilipino.

Sa simula ng sanaysay, ipinamalas ni Bonifacio ang malalim na pag-uugat sa kasaysayan ng kilusang Katipunan nang ilahad niya ang kaibahan ng kalagayan ng kapuluan bago dumating ang mga Espanyol at sa panahon ng pananatili ng mga banyaga sa Pilipinas sa loob ng tatlong daang taon. Mababasa sa sipi ang malinaw na paglalahad ni Bonifacio:

Ytong Katagalugan na pinamamahalaan ng unang panahon ng ating tunay na mga kababayan ... lubos na kasaganaan, at kaguinhawahan. Kasundo niya ang mga kapit bayan at lalung lalo na ang mga taga Japon sila'y kabilihan at kapalitan ng mga kalakal malabis ang pag yabong ng lahat ng pinagkakakitaan.

118

Sa siping ito makikita ang salitang “Katagalugan” na pangalang ginamit para sa kapuluan at hindi Filipinas, at ang lahat ng mga mamamayan nito ay siya namang tatawaging mga Tagalog. Mahalagang pansinin ang paggamit din ng mga salitang “kasaganaan” at “kaguinhawahan” upang ilarawan ang kalagayan ng mga Pilipino bago dumating ang mga Espanyol. Sinundan ni Bonifacio ang kanyang paglalahad ng maliwanag na nakaraan ng isang madilim na paglalarawan sa panahon ng pananakop. Ang panahon ng pananatili ng mga Espanyol ay nagdulot ng paglaho ng “kaguinhawahan” (kaguinhawahan). Ayon kay Bonifacio, taliwas ito sa pangako ni Legaspi kay Sikatuna sa kasunduang pinagtibay ng sandugo. Basahin ang sumusunod na salita ni Bonifacio:

Ngayon wala ng maituturing na kapanatagan sa ating pamayanan, ngayon lagui na guinagambala ang ating katahimikan ng umaalingawngaw na daing at pananbitan buntong hininga at hinagpis ...

Tahasang isiniwalat ni Bonifacio ang katotohanan sa pinagmulan ng kahirapan ng mga Pilipino. Inilarawan sa sanaysay ang paglupig ng mga Espanyol, ang paghihirap at paghihinagpis na dulot ng “tanikala” ng mga banyagang umalipin at sumakop sa mga Pilipino. Dahil dito hinimok ni Bonifacio na buksan ng mga Pilipino ang kanilang ng mga mata at isipan. Ayon kay Bonifacio ang “kaguinhawahan” ay “hindi darating at hindi mangyayari” mula sa mga Espanyol. Aniya:

Ytinuturo ng katuiran, na huag nating sayangin ang panahon sa pagasa sa ipinangakong kaguinhawahan na hindi darating at hindi mangyayari. Ytinuturo ng katuiran ang tayo'y umasa sa ating sarili at huag antain sa iba ang ating kabuhayan

Ang salitang katuiran (katwiran, mula sa salitang-ugat tuwid) ay isa pang mahalagang konseptong ginamit din ni Bonifacio sa “Ang Dapat Mabatid.” Matapos isiwalat ang

kasalukuyang kalagayan ng Pilipinas, isa namang panawagan ang kanyang ibinigay sa lahat magkaisa sa pagsulong ng adhikain ng Katipunan. Sa pagtatapos ng sanaysay, matapang ang panawagan ni Bonifacio sa mga Pilipino sa pamamagitan ng sumusunod na salita:

“Kaya! oh mga kababayan! ating idilat ang bulag na kaisipan at kusang igugol sa kagalingan ang ating lakas sa tunay at lubos na pag asa na mag tagumpay sa nilalayong kaguinhawahan ng bayang tinubuan.”

119

**Jesus, Gregoria de. *Mga tala ng aking buhay at mga ulat ng Katipunan*. May paunang salita ni Jose P. Santos. Maynila: Limbagang Fajardo, 1932.**

Katangi-tanging primaryang batis ukol sa Himagsikang Pilipino ang *Mga tala ng aking buhay at mga ulat ng Katipunan* ni Gregoria de Jesus. Si Gregoria de Jesus, balo ni Andres Bonifacio, ay tinaguriang Lakambini ng Katipunan at naging tagapagtatag at pangalawang tagapangulo ng sangay ng kababaihan ng Katipunan. Sinulat noong 5 Nobyembre 1928 sa kahilingan ni Jose P. Santos, ang akdang “Mga tala ng aking buhay” ay nalimbag sa wikang Ingles noong 1930 sa publikasyong Philippine Magazine, sa salin ni Leandro H. Fernandez, isang Pilipinong historyador, at sa isa pang salin sa Ingles ni Jose P. Bantug sa The Philippine Herald. Inilathala rin ang salin nito sa wikang Espanyol sa The Philippine Free Press at sa La Opinion.

Bilang asawa ni Andres Bonifacio at aktibong kasapi sa Katipunan kasama ang mga kapatid na babae, magulang at asawa ng iba pang Katipunero, ang Mga tala ng aking buhay ay paglalahad ng pananaw ng kababaihan sa Katipunan at Himagsikang 1896. Matutunghayan sa sariling talambuhay ni Gregoria de Jesus ang ilang yugto sa kanyang buhay tulad ng kanyang kapanganakan noong 9 Mayo 1875 sa Caloocan, mga magulang, pag-aaral, kabataan at pag usbong pag-iibigan sa edad na labingwalong taong gulang kay Andres Bonifacio. Inilahad din ni Oryang, palayaw ni Gregoria de Jesus, sa “Mga tala ng aking buhay” ang pagpapakasal niya kay Andres sa simbahan at sa isa pang hiwalay na seremonya alinsunod sa Katipunan sa tahanan ni Restituto Javier na sinaksihan ng mga kasapi ng Katipunan.

Bilang Lakambini ng Katipunan, nakisangkot at lumahok sa mga gawain ng Katipunan si Oryang. Matutunghayan sa maikling talambuhay na ito ang mga panganib na sinuong niya sa pag-iingat sa mga dokumento at gamit ng Katipunan at kinailangang magpalipat-lipat ng tirahan upang magtago at umiwas sa pagsubaybay ng awtoridad. Sa mga panahong yaon, isinilang ni Oryang ang sanggol na lalaki ngunit binawian din ng buhay makalipas ng ilang buwan.

Mababanggit din ni Oryang ang kanyang mga karanasan sa panahon ng himagsikan mula sa unang sigaw ng himagsikan hanggang sa kanyang pangalawang pagpapakasal kay Julio Nakpil noong 1898. Nabanggit sa bahaging ito ang ilang personalidad sa himagsikan tulad nina Emilio Aguinaldo, Emilio Jacinto, Macario Sakay at Esperidiona Bonifacio, kapatid ni Andres. Matutunghayan din ang salaysay ng paghihirap ng mga Pilipino sa lumalaban para sa kalayaan at kasarilan. Tulad ng ibang kasapi ng himagsikan, kinailangan din ni Oryang na pag-aaralang gumamit ng mga sandata para lumahok sa mga labanan.

Ilang pangungusap lamang ang inilahad sa “Mga tala sa aking buhay” ukol sa mga naganap sa Cavite: tulad ng “magulong halalan” sa Tejeros dahil sa “katampalasang ginawa ng mga kabig na pinumumunan ni Aguinaldo” (pah 17) hanggang sa pagpatay kay Andres Bonifacio. May hiwalay na salaysay ukol dito si Oryang na sinulat niya sa isang liham para kay Emilio Jacinto (Richardson).

Sa huli binanggit ni Oryang ang kalakaran ng Katipunan ukol sa uri ng pagpaparusa sa mga taong sumuway sa pinag-uutos ng Katipunan. Binigay na halimbawa ang pambabae at pagsusugal. Sa mga kasalanang ito, pinapangaralan ang mga kasapi at tinitiwag sa Katipunan

120

hanggang hindi nagbabago (sa kaso ng pagsusugal). At para sa kabataan ng panahong iyon, nag iwan si Oryang mga sampung tagubilin. Isa sa mga tagubiling ito ang sumusunod na titik: “8) Matakot sa kasaysayan pagka’t walang lihim na di nahahayag.”

## *Mga Tala ng Aking Buhay*

*Alay kay G. José P. Santos  
na siyang humiling na sulatin  
ko ang aking kabuhayan.*

GREGORIA DE JESUS  
*Balo ni Andres Bonifacio.*

Ako'y si Gregoria de Jesus, taong tunay dito sa bayang Kalookan, lalawigan ng Rizal. Isinilang ako ng araw ng Martes, ika 9 ng Mayo ng taong 1875, sa pook na pinagbaunan ng libolibong sandatang ginamit sa himagsikan at pinagdausan din naman ng kasunduan ng mga punong naghimagsik bago lumabas ng bayan, lugar na tinatawag na Daang Baltazar noong araw at ngayo'y P. Zamora, blg. 13. Ang ama ko'y si Nicolas de Jesus, taong tunay din sa bayang ito na ang hanap buhay ay Maestro de Obra ng Catero Carpentero at isa sa naghawak ng ilang tungkulin noong panahon ng kastila, naging teniente segundo, teniente mayor at gobernadorsilyo. Ang ina ko ay si Baltazara Alvarez Francisco na taga bayang Nobeleta, lalawigan ng Kabite, pamangkin ni heneral Mariano Alvarez ng Magdiwang sa Kabite na siyang unang gumalaw ng himagsikan sa nasabing lalawigan.

Ako'y nag-aral sa Paaralang Bayan at natapos ko ang mga unang baytang ng karunungan na katimbang ng Intermedia kung itutulad sa panahong ito. Naaalala ko pa na minsan akong nagwagi sa eksaming ibinigay ng Gobernador Heneral at ng Kura sa bayan na ipinagkaroon ko ng gantingpalang medalyang pilak na may lasong azul bilang pagkilala sa kaunti kong nalalaman. Palibhasa'y tatlo ka-



Noong m̃ga panahong yaon ay lubhang mapang̃anib ang aming kalagayan at palibhasa'y ang m̃ga anak ñg bayan ay inip na sa kanyang pagkagapos ay bumalikwas at nagkaisa na tulad sa isang tao lamang ang lahat kaya't biglang lumaganap ang K. K. K. at gabi gabi ay puno halos ang aming tahanan ñg m̃ga taong duminig sa tinig ñg inang bayan at dito'y kabilang ang tatlong mag-aama na Enrique Pacheco, Cipriano Pacheco, Alfonso Pacheco, Tomas Remigio, Francisco Carreon na pawang kaanib sa Kataastaasang Sanggunian ñg katipunan at m̃ga tao rin namang kasama sa unang sigaw ñg Katipunan, ay halos ang lahat ay madalas na inuumaga sa pagganap ñg tinatawag na "juramento" o panunumpa. Minsan o makalawa isang buwan ay nagkakaroon ñg "junta" ang m̃ga punong tagapagpaganap, dahil dito'y lalong nagkaroon ñg maraming gawain ang limbagang pinamamahalaan ñg Kalihim na Emilio Jacinto kaya't kinailañgan na niya ang pamamahala sa boong maghapon at noon ay ang dinadamit ko halos ay ang m̃ga kasulatan na lubhang mapang̃anib iñgatan ñg panahong yaon at labis nang banggitin pa dito kung saan ako ihahantong ñg kapalaran kung madakip sa aking pagiiñgat at gayon din naman sa m̃ga taong nakatala sa kasulatang yaon na pawang anak ñg Pilipinas na umiibig sa kalayaan, sapagka't may m̃ga pangyayaring sa pamamagitan lamang ñg suplong ay maraming buhay ang napuputi. Madalas na kung may dumarating na pahatid sabi na sasalakayin ñg m̃ga Veterana ang tahanan ay kahit anong oras ay agad kung iipunin ang m̃ga papeles, armas at timbre at sa isang iglap ay patatawag ako ñg kiles na hindi ko makuha ang kumain halos sapagkat kadalasang mangyari ito'y katanghalian at a las 8 ñg gabi at inaabot ako ñg hatinggabi sa lansaṅgan sakay ñg kiles, nalilibot ang baybayin ñg Tundo, at m̃ga lansaṅgan ng Binundok upang mailigtas ko lamang ang mapang̃anib na lagay ñg taong bayan. Ñguni't ang dinaramdam ko lamang na madalas na ako'y napatutulong sa ilang kapatid na inaasahan kong magmamalasakit ay hindi naman tumutulong sapagkat kapag naalaman ang



samang parang tunay na magkakapatid na isang tiyan lamang ang pinagbuhatan. Ako'y may anak na walo sa nasabing pangalawang asawa: dalawa ang patay, Juan at Lucia, ang anim ay buhay, Juan F. Nakpil, Julia Nakpil, Francisca Nakpil, Josefina Nakpil, Mercedes Nakpil, Caridad Nakpil. Ang lahat ng iya'y halos si Dr. Ariston Bautista ang nagpaaral at nagpatapos sa anak kung lalaki. Ako'y inaring parang tunay na anak at kapatid hanggang siya'y tawagin sa sinapupunan ni Bathala.

Tungkol sa sigalot ni Bonifacio at ni Aguinaldo na nagmula sa idinaos na magulong halalan sa Teheros, pati ng pag-uusig at mga katampalasanang ginawa ng mga kabig na pinamumunuan ni Aguinaldo sa aming magaanak na niwakasan sa pagpatay kay Andres Bonifacio ay hindi ko na isinaysay dito at iya'y mababasa sa kasulatang ipinadala ko kay Emilio Jacinto na ibinabalita sa akin ng Gral. Cipriano Pacheco na ngayon ay na sa kay G. José P. Santos, (\*\*\*) at upang maipagpatuloy pa ang aking buong nalalaman sa nasabing katipunan ay minarapat kong pagtiyagaan at ng maunawaan ng lahat na ako ang unang nagtraducir o nagsalin ng aktang "alfabeto" na ipinadala sa akin sa Pasig ni Emilio Jacinto, kasama ang kanyang kapiirasong buto sa hita noong siya'y taman ng bala sa pakikilaban sa Nagkarlang, sakop ng Lalaguna ng panahong yaon. Ako naman ay nasa bayang Pasig, lalawigan ngayon ng Rizal. Kaya doon ko rin ginawa o isinalin ang nasabing "alfabeto" o akta ng katipunan.

Gaya rin naman ng unang Limbagan, revolver, sandata, balaraw, timbre at lahat ng kagamitan ay bili ng mataas na sanggunian, nguni't ang ibang handog nina GG. Francisco Castillo at Valeriano, mga taong may malaking damdamin, marunong mag-adiya sa bayang tinubuan, may mahabang hangarin. Kaya't kapagkarakang malaman ang

---

(\*\*) Mabatasang buo sa "*Ang Sigalot ni Bonifacio at ni Aguinaldo*" ni José P. Santos. Ang akdang ito ay nilagyan ng Paunang Salita ni Hen. Artemio Ricarte at kasunod nitong lilimbagin.

nilalayon n̄g katipunan ay bumili agad n̄g malaking limbagan upang sa madaling panahon ay makayari agad n̄g maraming Kartilya, periodiko at m̄ga palatuntunan, kaya noong huli'y pinagtulungtulungan nina Emilio Jacinto, Aguedo del Rosario, Alejandro Santiago, Cipriano at Marciano na taga Pulo, Bulakan, at ang tagapamahagi at tagalakad ay sina Macario Sakay, at iba pang panguluhan. Ang palagay n̄g ibang siya'y masamang taong naging tulisan ay ewan n̄g huli, sapagka't nakita ko naman na may malaking ginawang tulong sa Katipunan. Si Macario Sakay ay tunay na makabayan at di ko akalain na ang maging hantungan ay ang bibitayan.

Ilang mahalagang bagay na aking napagdanasan sa panahon n̄g himagsikan ay itong sumusunod: Nang ako'y kasama n̄g m̄ga kawal n̄g naghihimagsik sa parang n̄g digmaan ay wala akong pangimang sumuong sa anomang kahirapan at sa kamatayan man, sapagka't wala akong nais n̄g panahong yaon kundi ang mawagayway ang bandila n̄g kasarinlan n̄g Pilipinas, at palibhasa'y kasama ako at sumaksi sa maraming laban, kaya't kabilang din akong isa sa m̄ga kawal at upang maging ganap na kawal, ako'y nagsanay n̄g pagsakay sa kabayo at nag-aral na mamaril at humawak n̄g ilang uri n̄g sandata na nagamit ko rin naman sa maraming pagkakataon. Napagdanasan ko rin naman ang matulog sa lupa n̄g walang kinakain sa boong maghapon, uminom sa m̄ga labok n̄g maruming tubig o kaya'y katas n̄g isang uri n̄g baging sa bundok na tutoong mapakla na nagiging masarap din dahil sa matinding uhaw. Anopa't sa gulang kong tinataglay noon kung pagbabalikan kung alalahanin ngayon, ako sa sarili'y nagtataka kung papano ko natawid ang kabuhayang yaon at kung bakit ako buhay pa sa gitna n̄g mahigpit na pag-uusig sa akin n̄g panahong yaon.

Ang natatandaan kong kaparusahan sa hindi sumusunod n̄g m̄ga ipinaguutos n̄g katipunan, gaya n̄g manglabae, ay ipatatawag kapagkarakang maunawaan sa halip



na siya'y bigyan ng kaparusahan ay agad siyang babasahan ng dapat pagpitaganan ang isang babae, gaya na rin ng pagpipitagan sa sarili na ang sinasabing pangaral ay ganito: "Kung hindi mo gustong lapastanganin ang iyong ina, asawa at kapatid ay nararapat na pakainngatan mo na gawin mo sa iba ito pagka't sa ganyang kaapihan ay maari mong ipalit ang tatlo mang buhay. Kaya't isa-isip tuwina na ang masama sa iyo ay hindi dapat gawin kailan man sa iba at sa paraang iyan ay isa kayong marangal na maibibilang na anak ng bayan".

Tungkol sa suliraning pagsusugal ay ang marapatan ng tagausig balangay at mapatotohanang nagkasala, siya'y lalapatan ng hatol na siya'y ihihiwalay hangga't di nagbabago ng kaniyang kaugalian. Lahat naman ng mga nagsitanggap ng aral at saka ang mga maparusahan ay pangwang nangagsipagbago naman ng ugali.

Sa kahilingan ni G. José P. Santos na siyang pinag-nahandugan ko ng kasaysayang ito ng aking buhay ay itinala ko sa ibaba ang sampung tagubilin o aral sa mga kabataang kinabibilangan niya na siyang pangwakas nito:

1.—Igalang at mahalín ang magulang pagka't ito ang panglalawang Dios sa lupa.

2.—Alalahanin tuwina ang mga banal na aral ng mga bayani na nasawi dahil sa pag-ibig sa bayan.

3.—Huwag magaksaya ng panahon ng di pamarisan.

4.—Pagsikapang magkaroon ng anomang karunungan na tumutugon sa kanyang hilig upang pakinabangan ng bayan.

5.—Ang kabaitan ay alalahaning isang malaking kayamanan.

6.—Igalang ang mga gurong nagpapamulat ng isip pagka't kung utang sa magulang ang pagiging tao ay utang naman sa nagturo ang pagpapakatao.

7.—Iligtas ang api sa pang'anib.

8.—Matakot sa kasaysayan pagka't walang lihin na di nahahayag.

9.—Kapag napagingatan ang kasamaan ay door manggagaling ang malaking karanġalan.

10.—Sikapin ang ikapagkakaisa nġ lahat at ika-uunlad nġ bayan upang huwag magkaroon nġ sagaba ang kasarinlan.

Tinapos ko rito ang maikling tala nġ aking buhay na sinulat ko sa mġa sandali nġ aking ganap na katahimikan nag-iisang binubulay at pinagaralan at sinuri ang mġa nakaraan kaya't lahat nġ nakatala rito ay siyang mġa waga na katotohanan.

GREGORIA DE JESUS

Kalookan, Rizal  
5 nġ Nobyembre nġ 1928

PHILIPPINE  
HISTORICAL  
LIBRARY